

ივანე ჯავახიშვილის სახელობის თბილისის
სახელმწიფო უნივერსიტეტი



აკუმულატორების, დენის პირველადი წყაროების და პირველადი ელემენტების
სახელმწიფო შესყიდვის შესახებ გამარტივებული ელექტრონული ტენდერის
სატენდერო დოკუმენტაცია
(CPV 31400000)

ეკონომიკური საქმიანობიდან მიღებული შემოსავლების დაფინანსების ფარგლებში

სავარაუდო ღირებულება: 2 775.00 ლარი

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს
კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წელის 7 აპრილის №9
ბრძანების საფუძველზე

2016 წელი
ქ. თბილისი



1. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

1.1 სატენდერო წინადადება, რეკვიზიტები (დასახელება, მისამართი, ტელეფონი/ფაქსი, საბანკო რეკვიზიტები, ხელმძღვანელის პირის სახელი, გვარი), პრეტენდენტის მიერ წარმოდგენილი სატენდერო წინადადება ძალაშია 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე;

1.2 სატენდერო წინადადების ფასი, შესყიდვის ობიექტის მწარმოებელი ფირმა, მოდელი და რაოდენობა, ტექნიკური მახასიათებლები და შემოთავაზებული შესყიდვის ობიექტის მწარმოებელი ქვეყანა **დანართი №1-ის** მიხედვით;

2. პრეტენდენტი, რომელიც მონაწილეობას მიიღებს აღნიშნულ ტენდერში, ავტომატურად ეთანხმება ქვემოთ ჩამოთვლილ ინფორმაციას:

2.1 ინფორმაცია ანგარიშსწორების პირობებისა და ვადების შესახებ სატენდერო დოკუმენტაციის მე-7 პუნქტის ქვეპუნქტების შესაბამისად;

2.2 ინფორმაცია მიწოდების ადგილის, პირობებისა და ვადების შესახებ სატენდერო დოკუმენტაციის მე-8 პუნქტის ქვეპუნქტების შესაბამისად;

2.3 ინფორმაცია შესყიდვის ობიექტის საგარანტიო ვადებისა და პირობების შესახებ სატენდერო დოკუმენტაციის მე-6 პუნქტის ქვეპუნქტების შესაბამისად.

3. შესყიდვის ობიექტის ნიმუშები

სავალდებულო პირობები:

3.1 ხელშეკრულების გაფორმებამდე, ფასით გამარჯვებული პრეტენდენტი (პრეტენდენტის მიერ წარმოდგენილი სატენდერო წინადადებისა და ტექნიკური დოკუმენტაციის სატენდერო განცხადებითა და ტექნიკური დოკუმენტაციით განსაზღვრულ მოთხოვნებთან შესაბამისობის შემთხვევაში) **ვალდებულია, შემსყიდველის მოთხოვნის საფუძველზე, მის ფიზიკურ მისამართზე წარმოადგინოს შემოთავაზებული შესყიდვის ობიექტის ნიმუშები, კერძოდ სატენდერო დოკუმენტაციის ფასების ცხრილის (დანართი №1) №1 და №2 პუნქტების შესაბამისად.**

3.2 მიმწოდებელს წარმოდგენილი შესყიდვის ობიექტის ნიმუშები უბრუნდება შესყიდვის ობიექტის სრულად მოწოდებისა და მასზე ინსპექტირების ჯგუფის დადებითი დასკვნის წარმოდგენის შემდეგ 15 (თხუთმეტი) კალენდარული დღის განმავლობაში.

4. გამარჯვებულმა პრეტენდენტმა შემსყიდველის მოთხოვნის საფუძველზე უნდა წარმოადგინოს ელექტრონული ვაჭრობის შედეგად დაფიქსირებული საბოლოო ფასი სატენდერო დოკუმენტაციაში მითითებული **დანართი №1-ის** შესაბამისად.

5. შესყიდვის ობიექტის მინიმალური ტექნიკური მახასიათებლები და მოცულობა:

5.1 შესყიდვის ობიექტის მინიმალური ტექნიკური მახასიათებლები და რაოდენობა მოცემულია **დანართი №1-ის** სახით;

შენიშვნა ფასების ცხრილების შევსებისას:

1. თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე შემსყიდველი ორგანიზაციის მოთხოვნის შემთხვევაში, პრეტენდენტი ვალდებულია, დაასაბუთოს ფასწარმოქმნის ადეკვატურობა. შესყიდვის ობიექტის მიწოდებასთან დაკავშირებით, ფასწარმოქმნის ადეკვატურობა დასაბუთდება, პრეტენდენტის მიერ **დანართი №1-ის „ტექნიკური დავალება-ფასების ცხრილი“** მოსაწოდებელ საქონელზე ინვოისების წარმოდგენით ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. მიმწოდებლის მიერ, ფასწარმოქმნის ადეკვატურობის დასაბუთების მოთხოვნის დაუზუსტებლობის შემთხვევაში, შემსყიდველი ორგანიზაცია უფლებამოსილია მოახდინოს პრეტენდენტის დისკვალიფიკაცია.



6. შესყიდვის ობიექტის სრულფასოვანი ფუნქციონირების მინიმალური საგარანტიო ვადა და პირობები:

6.1 შესყიდვის ობიექტის სრულფასოვანი ფუნქციონირების მინიმალური საგარანტიო ვადა განისაზღვრება შემდეგი პირობებით:

6.1.1 სატენდერო დოკუმენტაციის ფასების ცხრილის (დანართი №1) შესაბამისად მოწოდებულ საქონელზე საგარანტიო ვადა განისაზღვრება მიწოდებიდან არანაკლებ 6 (ექვსი) თვის ვადით, რომლის განმავლობაში მიმწოდებელი ვალდებულია საკუთარი ხარჯებით (ტრანსპორტირების ჩათვლით) აღმოეხერხოს, შემსყიდველის მხრიდან საქონლის ექსპლუატაციის ნორმების დაცვის შემთხვევაში, ექსპლუატაციის პროცესში გამოვლენილი ხარვეზები (წუნი), გამოვლენიდან არაუგვიანეს 15 კალენდარული დღის ვადაში, ასევე საჭიროების შემთხვევაში უზრუნველყოს წუნდებული საქონლის შეცვლა ახლით, ასეთი ხარვეზის/წუნის გამოვლენიდან არაუგვიანეს 15 სამუშაო დღის ვადაში;

7. ანგარიშსწორების პირობები და ვადები:

7.1 სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

7.2 მოსაწოდებელი შესყიდვის ობიექტი ჩაითვლება მიღებულად ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფის მიერ წარმოდგენილი დადებითი დასკვნის საფუძველზე;

7.3 ანგარიშსწორება იწარმოებს შემსყიდველსა და მიმწოდებელს შორის ეტაპობრივად, შესყიდვის ობიექტის მიღება-ჩაბარების შუალედური აქტის, შესაბამისი ანგარიშ-ფაქტურის/სასაქონლო ზედნადების და ინსპექტირების ჯგუფის დადებითი დასკვნის წარმოდგენის შემდეგ 10 (ათი) სამუშაო დღის განმავლობაში;

7.4 წინასწარი ანგარიშსწორება (ავანსი) არ გამოიყენება.

8. მიწოდების ადგილი, პირობები და ვადები:

8.1 შესყიდვის ობიექტის მიწოდება უნდა განხორციელდეს სრულად ან ეტაპობრივად, ხელშეკრულების გაფორმებიდან არაუგვიანეს 2016 წლის 09 დეკემბრისა, შემსყიდველსა და მიმწოდებელს შორის ურთიერთშეთანხმების საფუძველზე.

8.2 მიმწოდებელი შესყიდვის ობიექტის მიწოდებას განახორციელებს შემდეგ მისამართზე:

ქ. თბილისი; ჭავჭავაძის გამზ. №1

9. ხელშეკრულების მოქმედების ვადა 2017 წლის 31 იანვრის ჩათვლით.

10. დამატებითი ინფორმაცია

10.1 სახელმწიფო შესყიდვების ერთიან ელექტრონულ სისტემაში ატვირთული დოკუმენტი და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ. სატენდერო დოკუმენტაციის უცხოურ ენაზე წარმოდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

10.2 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

10.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ტელეფონი: 2 22 78 62

საკონტაქტო პირი გიორგი მაღლაფერიძე

მობ.: 577 – 244 – 558;

ტექნიკურ დავალებასთან დაკავშირებულ საკითხებთან საკონტაქტო პირი:

ირაკლი ალავერდაშვილი

მობ.: 577 – 94 – 39 – 01



ტექნიკური დავალება- ფასების ცხრილი
აკუმულატორები, დენის პირველადი წყაროები და პირველადი ელემენტები (CPV 31400000)

№	შესყიდვის ობიექტის მწარმოებელი ფირმა და მოდელი (ასეთის არსებობის შემთხვევაში)	მწარმოებელი ქვეყანა	შესყიდვის ობიექტის მინიმალური ტექნიკური მახასიათებლები	რაოდენობა	ერთეულის ფასი (ლარი)	სრული ღირებულება (ლარი)
1.			აკუმულატორი 7 ა/სთ: 12 V 7 AH ტევადობის საშუალო მაჩვენებლები 25 გრადუს ცელსიუსზე 20 საათი 350 მა დატვირთვისას, საშუალო წინაღობა სრული დამუხტვისას 12 მ ომი, თვითგანმუხტვა 12 თვის განმავლობაში უნდა შეადგენდეს 36 %-ს. სიგნალიზაციის საკონტროლო პანელისთვის.	50 ცალი		
2.			აკუმულატორი არანაკლებ 17 ა/სთ: ტევადობის საშუალო მაჩვენებლები 25 გრადუს ცელსიუსზე 20 საათი 850 მა დატვირთვისას, საშუალო წინაღობა სრული დამუხტვისას 12 ომი, თვითგანმუხტვა 12 თვის განმავლობაში უნდა შეადგენდეს 36 %-ს. უნდა მოყვებოდეს M5 ტიპის სამაგრი კლემა.	5 ცალი		
სულ ჯამური სავარაუდო ღირებულება დ.გ-ს ჩათვლით:			ლარი			

ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ



სახელმწიფო შესყიდვების შესახებ ხელშეკრულების პროექტი ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2016 წელი

ერთის მხრივ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტის ტექნიკური მახასიათებლები“ – მიმწოდებლის მიერ სატენდერო წინადადებით განსაზღვრული ტექნიკური მახასიათებლები დანართები №1-ის მიხედვით, რომელებიც წარმოადგენენ ხელშეკრულების განუყოფელ ნაწილს.

2. გარანტია

2.1 შესყიდვის ობიექტის სრულფასოვანი ფუნქციონირების მინიმალური საგარანტიო ვადა განისაზღვრება შემდეგი პირობებით:

- 5.1.1 სატენდერო დოკუმენტაციის **ფასების ცხრილის** (დანართი №1) შესაბამისად მოწოდებულ საქონელზე საგარანტიო ვადა განისაზღვრება მიმწოდებელს ათანაკლებ 6 (ექვსი) თვის ვადით, რომლის განმავლობაში მიმწოდებელი ვალდებულია საკუთარი ხარჯებით (ტრანსპორტირების ჩათვლით) აღმოფხვრას, შემსყიდველის მხრიდან საქონლის ექსპლუატაციის ნორმების დაცვის შემთხვევაში, ექსპლუატაციის პროცესში გამოვლენილი ხარვეზები (წუნი), გამოვლენიდან არაუგვიანეს 15 კალენდარული დღის ვადაში, ასევე საჭიროების შემთხვევაში უზრუნველყოს წუნდებული საქონლის შეცვლა ახლით, ასეთი ხარვეზის/წუნის გამოვლენიდან არაუგვიანეს 15 სამუშაო დღის ვადაში;



3. ხელშეკრულების საგანი

3.1 ივანე ჯავახიშვილის სახელობის თბილისის სახელმწიფო უნივერსიტეტის დაცვისა და უსაფრთხოების სამსახურისთვის, ეკონომიკური საქმიანობიდან მიღებული შემოსავლების დაფინანსების ფარგლებში, აკუმულატორების, დენის პირველადი წყაროების და პირველადი ელემენტების შესყიდვა (CPV 31400000).

3.2 შესყიდვის ობიექტის ტექნიკური მახასიათებლები და მოცულობა მოცემულია **დანართი №1**-ის სახით;

4. ხელშეკრულების ღირებულება

4.1 ხელშეკრულების ჯამური ღირებულება შეადგენს _____ლარს.

4.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

5. შესყიდვის ობიექტის მოწოდების ვადა, ადგილი და პირობები

5.1 შესყიდვის ობიექტის მიწოდება უნდა განხორციელდეს სრულად ან ეტაპობრივად, ხელშეკრულების გაფორმებიდან **არაუგვიანეს 2016 წლის 09 დეკემბრისა**, შემსყიდველსა და მიმწოდებელს შორის ურთიერთშეთანხმების საფუძველზე.

5.2 მიმწოდებელი შესყიდვის ობიექტის მიწოდებას განახორციელებს შემდეგ მისამართზე:

ქ. თბილისი; ჭავჭავაძის გამზ. №1

6. ხელშეკრულების შესრულების კონტროლი

6.1 ხელშეკრულების კონტროლს ახორციელებს ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფი.

6.2 შემსყიდველი ორგანიზაცია უფლებამოსილია აწარმოოს შესასყიდი საქონლის ხარისხის ინსპექტირება ხელშეკრულების მოქმედების ნებისმიერ ეტაპზე.

6.3 მიმწოდებელს წარმოდგენილი შესყიდვის ობიექტის ნიმუშები უბრუნდება შესყიდვის ობიექტის სრულად მოწოდებისა და მასზე ინსპექტირების ჯგუფის დადებითი დასკვნის წარმოდგენის შემდეგ 15 (თხუთმეტი) კალენდარული დღის განმავლობაში.

6.4 ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება იწარმოებს დანართებში №1-ში მოცემული პირობების თანახმად, მიმწოდებლის მიერ წარმოდგენილი შესაბამისი სასაქონლო ზედნადებისა და ხელშეკრულების მე-6 მუხლით განსაზღვრული ინსპექტირების ჯგუფის მიერ შედგენილი დადებითი დასკვნის საფუძველზე, მხარეთა შორის გაფორმებული მიღება-ჩაბარების აქტით.

7.2 მოსაწოდებელი შესყიდვის ობიექტი ჩაითვლება მიღებულად ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფის მიერ წარმოდგენილი დადებითი დასკვნის საფუძველზე.

8. ანგარიშსწორების ფორმა, ვადები და პირობები

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

8.2 ანგარიშსწორება იწარმოებს შემსყიდველსა და მიმწოდებელს შორის შესყიდვის ობიექტის მიღება-ჩაბარების შუალედური აქტის, სასაქონლო ზედნადების და/ან შესაბამისი ანგარიშ-ფაქტურის



გამოწერიდან და ინსპექტირების ჯგუფის დადებითი დასკვნის წარმოდგენის შემდეგ 10 (ათი) სამუშაო დღის განმავლობაში.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების ერთ-ერთი მხარე 10.4 პუნქტით გათვალისწინებული გადაწყვეტილების მიღების შემთხვევაში ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს აღნიშნულის შესახებ.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.



13. ხელშეკრულების მოქმედების ვადა

13.1 ხელშეკრულება ძალაში შედის ხელშეკრულების დადების თარიღიდან და მოქმედებს 2017 წლის 31 იანვრის ჩათვლით.

14. დასკვნითი დებულებები

14.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად. ერთი ეგზემპლარი ინახება – „მიმწოდებელთან“, ორი – „შემსყიდველთან“.

შემსყიდველი

მიმწოდებელი
